



UNIVERSITÄTS-
BIBLIOTHEK
PADERBORN

Universitätsbibliothek Paderborn

COLLA=||TIONVM SACRA-||RVM LIBRI VIII.

Bredenbach, Tilmann

Coloniae, 1584

VD16 B 7375

10. De Eucharistia ob matronæ cuiusdam in credulitatem, in carnem mutata, recursúsque per orationes sancti Gregorij in panem conuersa.

[urn:nbn:de:hbz:466:1-52445](https://nbn-resolving.org/urn:nbn:de:hbz:466:1-52445)

no penè momento perfidia ore abdicatur, & morte diluitur. Ita mirantibus cunctis, sub omni celeritate completus est sermo Malachia & scripturæ pariter dicentis, quia vexatio dat intellectum auditui.

Ex libro 2. cap. 41. vita D. Gregorij Magni à Ioanne Diacono anno Domini 872. conscriptæ, quæ habetur in Laurentio Surio 12. Martij, de Eucharistia ob matrona cuiusdam incredulitatem, in carnem mutata, recursusq; per orationes S. Gregorij in panem conuersa.

C A P. X.

Matrona quædam beato Gregorio per stationes publicas Missarum solennia celebranti, solitas oblationes obtulerat. Cui post mysteria traditurus cum diceret: Corpus Domini nostri IESV Christi conferuet animam tuam: lasciua subrisit. Ille continuo dexteram ab eius ore conuertens, partem illam dominici corporis super altare deposuit. Expletis verò Missarum solennijs, Matronam coram populo inquisiuit, quamobrem corpus dominicum sumptura redire presumpserit. At illa diu musitans, tandem prorupit. Quia panem, inquit, quem proprijs manibus me fecisse cognoueram, tu corpus dominicum perhibebas. Tunc Gregorius præ incredulitate mulieris cum tota plebe se in orationem prostravit. Et post paululum surgens, particulam panis, quam super altare posuerat,

rat, carnem factam reperit. Quam coram cunctis incredula Matrona demonstrans, ad credulitatis gratiam tam illam reuocare potuit, quam totum populum confirmare curauit. Rursus itaque in orationem cum eisdem prostratus, carnis frustum in panis primordia reformauit.

Ex vita B. Anselmi Archiepiscopi Cantuariensis per Edinerum Anglum eius conuictorem conscripta, habetur in Tomis Laurentij Suri. Mense Aprili de quodam infirmo, qui audito sacrificio Missæ per D. Anselmum peracto, à diuturno languore sanatus est.

CAP. XI.

VNus ex principibus terre illius, diuturna languoris molestia vexatus fuerat. *Nota vim Missæ audientia.* Hic agnito Anselmum in Ecclesia beati Stephani Missam ex more celebraturum festinauit illò, arbitrans sibi ad recuperandam sanitatem utile fore, si Missa tati viri ac benedictione meruisset potiri. Fateor, vidimus hominem suorum manibus innixum, Ecclesiam introeuntem, mortuo quam viuenti similiorem; Sedit, & finita Missa, egressus est. Nobis verò nec quis vel vnde aut cur aduenerit, scientibus atque curantibus, idem vir, euolutis paucis diebus, ad patrem venit: flexis genibus, ei pro adepta sanitate gratias agens. Ad quod cum ille obstupesceret, indicauit ei ordinem gestæ rei, confirmans quod ab ea hora,

B 3 qua